

OLEA STILLATITIA.

OLEUM MENTHÆ SATIVÆ
ESSENTIALE.

R. Herbae menthæ sativæ ficcatae quantum velis,
Aquæ quantum sufficiat, ut herba commode
innatare possit.

MACERA dies aliquot, dein destilletur eodem
modo, quo AQUÆ STILLATITIÆ SIMPLI-
CES. Oleum cum aqua ascendet, quod cum
totum destillaverit, ab aqua separandum est.

OLEA ESSENTIALIA

Herbae MENTHÆ PIPERITIDIS,

SABINÆ,

Summitatum RORISMARINI.

Spicarum florentium LAVENDULÆ,

Semintum ANISI,

Baccarum JUNIPERI bene contusarum,

Radicis SASSAFRAS,

PIPERIS JAMAICENSIS,

Eodem fere modo destillantur. Semina vero

F

et

82 OLEA STILLATITIA.

a romata contundi, et ligna radi debent, ante macerationem. Tempus macerationis pro ratione texturæ et compagis varium erit. Tenerima vix ullam, tenuia molliæque duarum triumve dierum, duriora longiorem requirunt macerationem.

OLEUM et SAL SUCCINI.

R. Succini in pulverem triti,
Arenæ puræ partes æquales.

COMMIXTA injiciantur retortæ vitreæ, ut dimidia impleatur. Adaptato excipulo amplo, destilla ex arena, igne gradatim aucto. Primo liquor aquosus cum paululo olei flavi, dein oleum flavum cum sale, tertio demum ignis gradu oleum subrubrum et nigrum extillabit. Liquor ex excipulo effundatur, et oleum ab aqua separetur. Sal a retortæ collo et excipuli lateribus collectus, inter plicas chartæ emporeticæ comprimatur, ut ab oleo adherente liberetur; dein solutione in aqua calida et crystallizatione fiat purus.

OLEUM

OLEA STILLATITIA. 83

OLEUM SUCCINI
RECTIFICATUM

FIR quaternis, ex retorta qualibet vice mun-
dissima, destillationibus, relicta toties in retor-
ta olei parte circiter octava rejicienda.